

**IN PETRI BEMBI  
CARDINALIS  
MORTEM AC  
LAudem ECLOGAE  
TRES INCERTI...**

---

Paolo Ramusio



# IOANNI CASAE

*Apostolicæ Sedis apud Venetos*

*Legato.*

**T**U quidem tot, ac tantis in legatione ista honestis-  
sima occupationibus distineris, ut qui te inde uel  
leuiter auocent, in publica commoda peccare ui-  
deantur. Sed quoniam a puero ita institutus es, ut inter-  
mittere literarum studia non possis: atq; ea te non tam oc-  
cupatum impediunt, quam impeditum recreant: ideo & li-  
benter legis, & eos, qui aliquo bonarū artium genere alijs  
anteceunt, liberaliter amplecteris. Bembum certe Cardi-  
nalem (ut alios omittam) non tam ob amplitudinem digni-  
tatis, quam ob raram exultæ cuiusdam eruditionis opinio-  
nem, & earum omnium uirtutum, quæ ad morum mansue-  
tudinem, & facilitatem pertinent, uerissimā laudem, dilexi  
sti. quod te iudicio non ambitione fecisse, illud indicat,  
quod defunctum laudare non desinis. Qua nos causa addu-  
cti tres eclogas, quibus illius interitus defletur, & uita  
laudatur, sub nomine tuo publicandas censuimus: ut & il-  
læ tuo patrocinio tutiores in lucem exirent, & tu si quan-  
do uacaret, eius laudationem legeres, quem summo honore  
dignum semper existimasti. Vale. M

*Ante Dei solium magni non uana precaris.  
Ergo tuos demens Lycida iam desine questus,  
Nec mortis comple frustra clamoribus auras:  
Sed tumulus uernis niteat, uiolisq; rosisq;  
Et fluat in cineres nardus, nec desit amomum,  
Assyrio stillet uenerabilis urna liquore,  
Acternumq; madens, Panchæis mercibus halet.  
Nos, quoniam tacitis properat nox atra quadrigis,  
Et sol Hesperio iam mergit in æquore currus,  
Securum pastas pecudes in ouile uocemus.*



**H**IERONYMUM Quirinum  
Ismerij F. apprine nobilem, Bembus Cardinalis  
na dilexit, ut eum moriens, & in secundis hære-  
dibus scripserit, & testamenti sui executorẽ esse uoluerit.  
Hic funeri interfuisse fingitur, & quas in confesso gra-  
uissimorum hominum lacrymas continuerat, eas peractis  
exequijs secedẽs, fundere sub Thyrsidis persona inducitur.  
ubi & quã uanã sint hominum spes, ostenditur, & Bem-  
bus sub Menalcæ persona, copiose atq; ornate laudatur,  
simul & de Statua quam idem Quirinus illi Patauij eri-  
gendam curauit, & de monumentis, quæ extructurus est,  
mentio habetur.

**E** X tinctum Thyrsis Hetrusci ad Tybridis undam,  
 Insignem quondam numeris & uoce Menalcam  
 Spectarat, gemitumq; premens moerebat inani  
 Luctu, non ausus tristicis effundere questus,  
 Dum lux, & sacrae prohibet reuerentia pompæ.  
 Mox ubi paulatim densis adoperta tenebris  
 Accessit, mouitq; atros nox humida currus:  
 Tristibus inferijs, & iustis rite peractis;  
 Iam pubes dilapsa uago pede discesserunt:  
 Ille unus nemorum procul in secreta recedens,  
 Astitit ad sacri fontis caput: hudaq; tollens  
 Lumina, & intendens geminas ad sidera palmas,  
 En ait, hic nostros memorare impune dolores  
 Iam licet, & longos lacrymarum effundere riuos.

Tu ne igitur terris, tu nuper adempte Menalca,  
 Mi sine sole diem, sine luna, & lumine noctes  
 Liquisti? & densis cuncta heu loca plena tenebris?  
 Nec mihi iam blandos uultus, nec docta licebit  
 Tempora mirari sacris redimita corymbis?  
 Nec te audire olim sola sub rupe canentem  
 Carmina, queis tu etiam tigres, sæuasq; lænas,  
 Suetus eras mulcere noua dulcedine uocis.  
 Non ego te posthac per florea rura uagantem  
 Aspiciam, uel quum nigris sol surgit ab Indis,  
 Hesperias uel quum pronis descendere in undas

B

Horret equis, uel quum properans nox humida cœlo,  
Præcipitat, mollesq; inuitant sydera somnos.  
Nam quæ te sæuo clauferunt funera somno?  
Tristia nam quæ te fata absumpsere Menalca?  
Cur non crudeles diuos, crudelia mœstus  
Astra uocem, assiduos fundens é pectore questus:  
Et complere parem tristi nemora auia fletu?  
Ab dolor, ab moriens rupisti gaudia nostra:  
Iam mihi sola super miserandæ tedia uitæ:  
Iam requies ablata omnis, tua funera tristes,  
Heu nobis, urbiq; simul liquere dolores.  
Præsidiumq; decusq; tuis, tu magne Menalca  
Solus eras, solus uita mihi carior ipsa.  
Tu sacros fundens latices, tu plena quotannis  
Pocula bina Pali statuens, armenta, gregesq;  
Lustrabas carnis diuis: pecuaria per te  
Creuere, & nullo senserunt tempore morbos.  
Tu musis flores, & sarta uirentia Phœbo  
Largitus, sic, & Musis, & Appolline, semper  
Plenus eras: ut qui certasset carmine tecum,  
Idem ille ex omni certamine uictus arbiret.  
Ergo té montes, & flumina nota, magistrum  
Pastorum optabant, Latios quicunq; per agros,  
Aeriasq; alpes, pascunt & Celtica rura,  
Quiq; Istrumq; Albinq; bibunt, Rhenumq; bicornem.  
Serta Pales, atq; alma Themis tibi terna parabant.

6

*Ipse pedum iam num tibi Pan Tegeæus eburnum  
Fecerat, & medium fuluo distinxerat auro.*

*O me felicem si te ad fastigia summi  
Pastoris, uidisse mihi mea fata dedissent.  
Quum tu iam felix, & iam Dijs proximus ipsis  
Astares: totusq; tuo gauderet honore  
Orbis: & augustis supplex daret oscula plantis.  
Et tu pacifera frontem redimitus oliua  
Diffundens almæ pacis pia munera terris,  
Solis ab occasu, spectares solis ad ortum  
Sub pedibus iam cuncta tuis uertiq; regiꝫ,  
Aureaq; antiquæ renouares secula uita.  
Ut dura aerio manarent robora melle,  
Nectareq; & niueo spumarent flumina lacte,  
Et ferret tellus fruges sine uomeris usu.*

*Sed spes, & mea uota, leues quando irrita uenti  
Spargunt: & cœli per mania nubila iactant:  
Tu saltem decus obscuræ Latonia noctis,  
Et uos quæ tacito labentia sydera cursu,  
Aeternum signis per secula uoluitis annum,  
Aridaq; acrijs renouatis roribus arua,  
Dum querimur, casus oro miserescite nostri,  
Lucidatq; obscuris obducite nubibus ora.  
Me miserum, posthac solus per lustra uagabor.  
Et notas urbes, populos, lucemq; perosus,  
Semper mœsta tua relegam tibi carmina morte,*

B ij

Et flebo casumq; tuum, & tua fata Menalca.  
Quem grauis undisono suspirans Abria tractu,  
Quem mecum obducta turbatus fronte Metaurus,  
Quem Tybris pater, atq; Arnus, quem lucidus amnis  
Mincius, & fracta Medoacus arundine fleuit,  
Fleuit & effracta lugubris Serius urna:  
Cuius mille greges, armenta; pingui, pastor  
Mollibus ē stabulis ad pascua læta uocabat:  
Quæ senior docto liquit pascenda Myconi.  
Fleuerunt niuei circum caua flumina cyeni.  
Creuerunt lacrymis undæ, creuere fluentia,  
Nec iam moerentes solitus capit aluius amnes.  
Quin arbuta prius cœlo tendentia ramos,  
Nunc grauidum mœsto caput acclinata dolore,  
Squallent, ceu tristi de cœlo fulgure tacta.  
Ipse non syluæ frondes, non pascua colles,  
Non campi segetes tulerunt, non pampinus uuas.  
Et flos destituit languentes aridus herbas:  
Destituere sui morientia prata colores.  
Quæq; prius dulci complebant omnia cantu,  
Demissis mœstæ pennis siluere uolucres.  
Verum etiam fama est, fractis fornacibus Aetnam  
Flammarum uomuisse globos, atrasq; fauillas,  
Aetnam, quam fertur puer accoluisse Menalcas,  
Dum cupidus Graiæ discit noua sibila cannæ,  
Atq; Aetnea suo permulcet carmine saxa.



Adde, quod in sylvis miris simulacra figuris  
Visa, indefectis implerunt saxa querelis.

Sed quid ego hæc frustra? aut quæ me dementia cœpit?  
Quin potius, mea quando nihil suspiria profunt,  
Nec luctu, aut lacrymis, reuocantur fata profusis:  
Quod possum, ne sola tuos testetur honores  
Roma potens, laudum ponam monumenta tuarum,  
Qua grauis Antenor miseræ post funera Troiæ,  
Mansuras Teucris sedes, urbemq; locauit:  
Et Venetum genti fausta dedit alite nomen.  
Hic, ego bina tibi niueo fulgentia saxo  
Constituam gratus solenni altaria ritu: &  
Annua præbebo festis spectacula ludis.  
Hic, manus artificum te pulchro docta colore  
Exprimet: ac Pario uiuum de marmore ducet:  
Et notos fuluo uultus imitabitur ære.  
Hic, quicumq; tuas aut uersu, aut uoce soluta,  
Dixerit egregie laudes, sua præmia uictor  
Accipiet: lætusq; uirum uolitare per ora  
Gaudebit: gaude æternum uicture Menalca.  
Hic, hominum ex animis nullo deleberis æuo.  
At qua se magni pandit tibi regia cœli,  
Pastores inter diuos lætabere: & illinc  
Despiciens casus olim miserabere nostros:  
Auercesq; metus omnes in uota uocatus.



*Huius Eclogæ idem quod superiorum est ar-  
gumentum, nisi quod illic pastores,  
hic piscatores introducuntur.*

I O L A S

*Mopsus & Dorylas.*

**I** *Am rapidi medium cœli sol igneus orbem  
Transierat, pronosq; urebat lumine pontum:  
Mopsus arenoso quum cedens littore mæstus  
Piscator, nullamq; trahens ad littora prædam,  
Despondere animum cœpit, cymbamq; reliquit:  
Humidaq; expandens per duras retia cautes,  
Dum siccat cistasq; leues, nodosaq; lina  
Sol ardens, uacuum iratus diuertit in antrum  
Ingratos cupiens requie lenire labores.  
Quo postquam uentum: rupes resonare querelas  
Miratus, uidet incuruo de littore tristis  
Fundentem questus Dorylam, quo doctior alter  
Non fuit occulto deprendere gurgite pisces,  
Et fundam iacere, & ponto trahere humida lina.*

*Mop. Accedensq; inquit. Doryla, quem tristis ademptum  
Sic gemis? ut flenti resonent tibi littora & antra?  
Dor. Ne luctus, ne rumpe meos respondit, & eheu,  
Tu quoque communem mecum turbatus amicum*

Flere para, & nostri miserum mori ex tis Iola  
 Interitum: uitreis quem defleuere sub undis  
 Nereides: fleuit uicina per æquora Delphin,  
 Assuetos de more choros duxisse per undas  
 Non uisus, tristiq; horret ceu tabe peresus.  
 En passim Halcyones mœstæ, per saxa, per antra,  
 Tristia flebilibus complent maria alta querelis.  
 Quare agedum mœstos mecum Mopse incipe cantus,  
 Incipe, quandoquidem lenes caua littora fluctus  
 Pulsant, & sæui posuerunt murmura uenti.

Mop. Quis mihi te rapuit, quis te dulcissime Iola?  
 Nostræ olim requies, olim spes unica uitæ:  
 Nunc lacrymæ, æternusq; mihi dolor & lamenta.  
 Nec te præsidium, ac nostræ spes magna iuuentæ  
 Aspicere, & sacræ licuit ferre oscula dextræ  
 • Ultima, & occlusisse oculos in morte natantes.  
 Nec tibi ego inferias duxi, nec iusta peregi.  
 Quid primum querar? aut quo tristia pectora uertam?  
 Proh dolor, ab comitem tibi me ne immitis Iola  
 Spreuisti moriens: ambos eadem hora tulisset,  
 Et dolor infernas idem misisset ad undas.

Nereides nostras, oro, ingeminate querelas.  
 Quid iuuat umbrosis uitam producere in antris  
 Æquoris undisoni, quæ rauca subederit unda,

Si mihi delitiæ sint & solatia adempta?  
Littoribus quin & scopulis, & luce relicta  
Malle meam æquoreis uitam deperdere in undis  
Certum est, ut monst'ris fiam noua præda marinis.

Nereides nostras, oro, ingeminate querelas.  
Tu uitrei Proteu pastor gregis, incola ponti,  
Et tu qui magno moderaris sæua tridenti  
Æquora, nunc questus, oro, ingeminate recentes.  
Ille etenim ante alios ue'stri reuerentior omnes  
Qui fuit: & largos aris indicere honores  
Suetus erat: nunc exigua est tumulatus arena.

Nereides nostras, oro, ingeminate querelas.  
Tu uero ante tuas ades o Galatea sorores,  
Et mecum defle casum infœlicis Iolæ.  
Occidit heu procul à patria, notisq; propinquis,  
Ille tibi ante omnes olim dilectus Iolas:  
Qui nondum primæ ue'stitus flore iuuentæ,  
Sicaniæ rupes, præruptaq; saxa Pelori  
Te mirante nouo cantu complebat. at illi  
Mamertina modis resonabant littora miris.  
Non ut amans olim Siculas Polyphemus ad undas  
Dum caneret blanda scopuli pendentis in umbra,  
Candidior folio niuei Galatea ligustri.  
Sed causas rerum, & magni prinordia mundi,

Ignescit

9  
Igneus ut uario sol lustrat lumine terras,  
Ut mane Eois primum se tollat ab undis,  
Rursus & Hesperio nitidum caput æquore mergat.  
Cornibus in plenum ut redeat noua luna coactis.  
Utq; regat Graias Helice formosa carinas.  
Cur ter in abruptum fluctus male sana Carybdis  
Sorbeat, effractas reuomens ad littora puppes,  
Naufragaq; angusto dispergens corpora ponto.  
Cur ingens miris exæstuet ignibus Aetna,  
Et procul ostendet Lipare fumantia saxa:  
Ut Deus æterno uigeat uiuacior æuo.

Utq; domum hanc mundi, qua struxit, temperet arte.  
Omnia quæ senior puero monstrauit Amyntas,  
Et dixit, magnus fies olim ista canendo.

Nereides nostras, oro, ingeminate querelas.  
At uos o mecum scopuli, mecumq; recurua  
Littora, quæ Adriacas obiectis cautibus undas  
Frangitis, incursum quoties grauis excitat auster:  
Littora, Tyrrheni fluctu pulsata profundi  
Occiduas Zephyrus tunc cum iactauit arenas,  
Plangite dilecti casumq; & funus Iolæ.

Tu mecum Benace senex hunc plange marinis  
Fluctibus; & mœstas resonet tibi Sirmio uoces.

Sistite Nereides, nostros iam sistite questus.

C

*Dor.* Dulce tui resonant numeri, tua carmina dulce,  
Nec niuei uoces cycni sentire canoras  
Malim, quum liquidi circum stagna ampla Caystri,  
Flebilibus numeris notas moriturus ad undas  
Conqueritur, retinetq; nouo uaga flumina cantu:  
Non quas Halcyones moestæ fudere querelas,  
Quum tutos placido condunt super æquore nidos.  
Verum agedum Hesperias quando procul aspicit undas  
Sol, & adhuc sero non surgit uesper olympo:  
Mopse tuos itera cantus, Mopse incipe rursus:  
Et scopuli questus iterent, & saxa querelas:  
Vt uernas inter frondes quum Daulias olim  
Deflet mater Itym, resonant arbuta, nemusq;  
Suauior & semper repetito carmine uox est.  
Sic tibi, seu tremula moderabere arundine linum,  
Siue per immensum deduces retia pontum,  
Sit mare compositum: uitrea sit piscis in unda  
Plurimus: & curuos imprudens appetat hamos:  
Sic tibi sufficiat squalentes Adria conchas:  
Sic iuuet has, æquor qui cuspide temperat artes.  
*Mop.* Ne nostros Doryla cogas renouare dolores:  
Ne ue iterum tristes effundere pectore uoces:  
Dum refero, crescit dolor, & noua cura recursat:  
Nec potis est superas tristis uox ire sub auras,